

АЙМГИЙН ЗАСАГ ДАРГЫН ШУУРХАЙ ХУРЛЫН ТЭМДЭГЛЭЛ

2019 оны 7 дугаар сарын 08-ны өдөр

№ 19

Дархан-Уул аймаг

Аймгийн Засаг даргын Шуурхай хурал 2019 оны 7 дугаар сарын 08-ны өдрийн 08 цаг 00 минутад аймгийн Засаг даргын Тамгын газрын хурлын зааланд хуралдав. Хуралдааныг аймгийн Засаг дарга С.Насанбат удирдаж, хуралд нийт 18 удирдах албан тушаалтнууд оролцохоос 15 оролцож хуралдааны ирц 83.3 хувьтай байв. Гишүүдийн ирцийн бүртгэлийг хавсаргав.

ХУРАЛДААНААР ХЭЛЭЛЦЭХ АСУУДАЛ:

1. Хэлтэс, алба, сумдын дарга нарын өнгөрсөн 7 хоногийн ажлын тайлан, холбогдох шуурхай мэдээ, мэдээллийг танилцуулах, өмнөх шуурхай хурлаас өгөгдсөн үүрэг даалгаврын хэрэгжилтийн талаарх мэдээ, тайланг танилцуулах.

Хуралд оролцсон хэлтэс, албад, сумдын дарга нар өнгөрсөн 7 хоногт хийсэн ажлын тайланг танилцуулав.

ҮҮРЭГ, ДААЛГАВАР:

Техникийн комисс ажилласан гэж маргалдаад байгаа. Буянбат нь техникийн комисс биш гэх юм. Одгэрэл нь техникийн комисс мөн гэж маргаад байсан. Үнэхээр техникийн комиссын бичиг баримтын шаардлага хангаж байгаа юм уу?

АТГ-аас өгсөн зөвлөмж бий. НБХ-тэй хамтраад сургуулийн түрээсийн гэрээний тендерийг зарлаж дуусгаарай.

Тендер зарладаг байгууллага гэж ойлгож байвал буруу. Бүртгэлийн дүн мэдээлэл огт танилцуулахгүй байна. Мэдээндээ оруулж байх. 39-р байрны урд талын моднуудыг тайрсан. Бүртгэл нь хийгдсэн юм уу? Хагас жилийн ажлуудыг дор дор нь бүртгээд явбал танайд амар байдаггүй юм уу?

Нигүүлсэн зам” ХХК эмнэлгийн урд талын замыг хучиж байгаатай өчигдөр явж танилцлаа. Индүү нь айлынх, аспалт ачсан машинууд нь айлынх.

Ажил хийж байгаа газруудаа чанараар нь эрэмбэлдэг баймаар байна. Түрээсийн техниктэй газрууд байна. Ийм газруудын ажил чанартай явагдах уу? Дархан хот байгуулалт, барилга захиалагч ОНӨААТҮГ-аас хяналт байхгүй байна. Ямар материалаар, яаж хучиж байгааг харж хянах шаардлагатай. Алдаа гарвал хэн нь хариуцлага хүлээх вэ? Анхаармаар байна.

Цахилгаан, эрчим хүч хязгаарлах үедээ урьдчилаад хэвлэл мэдээллийн хэрэгслээр олон нийтэд мэдээлдэг болмоор байна. Мэдэгдэл өгөлгүйгээр дахиж хязгаарлалт хийхгүй байх

Баяр наадмын өдрүүдийн цаг агаарын мэдээг авч мэдээллэх

Баяр наадмын үеэр мэдээллийг цаг алдалгүй бэлтгэж олон нийтэд сурталчилж таниулах. Мэдээ бэлтгэх газар, техник, хэрэгслийн бэлэн байдлыг хангах. Наадмын ачаалал нэмэгдэж байгаатай холбогдуулан бүртгэл удаашрах хандлагатай байгаа тул Юнителтэй ярьж сүлжээний асуудал дээр анхаарал хандуулах

Сэлэнгэ аймгийн Наадам дууссан. Иймд наадамчид, морь уяачид манай аймгийн Наадамд ирж оролцох төлөвтэй байна. Иймд бүртгэлийн ажилчдын тоог нэмэгдүүлэх, зай талбайг нэмэгдүүлэх, ачааллыг тооцож зохион байгуулалтыг өндөр түвшинд хийх шаардлагатай байна.

Баяр наадмын өдрүүдэд МХГ өндөр хэмжээнд ажиллах

QUEEN-ний үйлчилгээний цагийн хуваарийг 02.00 цаг хүртэл сунгасан зөвшөөрлийг эргэж харах шаардлагатай байна. Иргэдээс гомдол ихээр гарч байгаа. Ажлын хэсэг явуулж дуу намсгагч хийсэн эсэхийг шалгуулах шаардлагатай байна. Хэрэв дуу намсгагч хийгээгүй бол зөрчлийн тухай хуулиар зөвшөөрлийг хүчингүй болгох

Үйлдвэрийн замыг нөхөх шаардлагатай. Осол, аваар гарах эрсдэл өндөр байна. Дархан орон нутгийн зам тээвэр ОНӨААТҮГ-т үүрэг өгөөд уруудаж байгаа тал, өгсөж байгаа талын толгой руу гарахын яг өмнөх шургалсан хэсгийг эхний ээлжинд нөхөх шаардлагатай байна. Баяр наадмын үеэр замын хөдөлгөөн нэмэгдэнэ. Иймээс хаахгүйгээр нөхөлтийн ажлыг хий.

9,10-ний өдрүүдэд Цагдаагийн газар өндөржүүлсэн байдалд ажиллах талаар чиглэл өгөх

7 дугаар сарын 16-ны өдрөөс эхлээд амралтуудаа авч эхлээрэй. Би 8 дугаар сарын 1-ний өдрөөс амрах тул эхний амарсан хүмүүс зөрөөд орохоор хуваариа тохируулаарай.

Дархан хот байгуулалт, барилга захиалагч ОНӨААТҮГ, Н.Батсайхан дээр анхаарал хандуулья.

Нөхөөсийн ажил ямар явагдаж байгаа вэ? Мэдээлэл авъя.

Замын путкээ буулгаж авъя. Үндсэн хөрөнгөөс хасаарай. Хүмүүсээ албан ёсоор чөлөөлье. Энэ бол олон жил яригдсан асуудал. Олон улсын зам дагуу орон нутгийн пост ажиллах нь өөрөө хууль бус учраас буулгахаас өөр аргагүй.

Паркийн ажлыг 10-ний өдөр нээнэ. Хариуцсан ажилтныг нь ажлын байрны тодорхойлолттой болгож үүрэгжүүлэх шаардлагатай байна. Би өөрөө биечилж уулзсан. Отгонтөгс гээд хүн байгаа. Тэр хүн дээр АБТ хийгээд гарын үсэг зуруулж аваарай. Алдаа гарвал хэн нь хариуцлагаа хүлээх вэ? Үүрэгжүүлж байж хүмүүс хариуцлагаа ухамсарлаж ажилдаа сэтгэлтэй хандана шүү.

Паркийн нээлтийн ажлыг 10-ний өдөр амжихгүй бол 11-ний өдөр хийх. НААҮГ-ын хүн хүч хүрэхгүй бол Дархан сум хамтарч оролцох. Нээлтэд шаардлагатай хөгжим, техникийг нь НҮА хариуцаж ажиллаарай. Олдохгүй бол нам дээр хөгжим, уэль байгаа шүү.

Морь барианы газрын дээврийг янзалсан уу?

Хүүхдийн номын ордонд өгөх машины асуудлыг шийдвэрлэсэн үү?

Сургууийн үдийн цай хөтөлбөрийг дахин дахин хэллээ шүү. 9 сардаа амжихгүй бол та 2 хоёулаа хариуцлагаа хүлээгээрэй.

ИТХ-д оруулж буй материалуудыг дахин дахин шалгаж оруулдаг болмоор байна. Нягтлаагүй материал оруулдаг гээд хурал дээр асуудал яригдаад байгаа шүү.

Аймгийн ИТХ-ын Төлөөлөгчдөөс ирүүлж буй саналуудад заавал хариу өгч хэвшмээр байна. Тоохгүй байна гэсэн гомдол гарсан.

7 дугаар сарын 9-ний өдрийн баярын хурлыг өндөр хэмжээнд зохион байгуулах. Тайз руу цэцэгтэй хүн гаргахгүй байх талаар арга хэмжээг эртнээс авах. Зохион байгуулалтын тал дээр Санхүү төрийн сангийн хэлтсээс хүн хүч нэмж авах.

Танхимыг хүнтэй байх тал дээр онцгой анхаарахгүй бол сүүлдээ 20, 30-уулахнаа суугаад үлддэг шүү.

7 дугаар сарын 9-ний орой Тохь цогцолборт зохион байгуулах арга хэмжээг сайтар бэлтгэх

Маргааш буюу 7 дугаар сарын 9-ний өдөр баярын хурлын өмнө хэлтсийн дарга нарын хурлыг зохион байгуулах

ТӨРИЙН ЗАХИРГААНЫ УДИРДЛАГЫН ХЭЛТЭС